

## Secunda pars

Id enim inter cetera antiquorum astronomica artificia propter subtilitatem constructionis utilitatum multitudinem; & usus facilitatem peritorum iudicio haud iniuria pluribus nobilitate antefertur. Nos vero qui eius fabricam quam apertissime fieri potuit tradidimus. Impresentiarum ad terminorum (ut premisimus) expositiōes & post hac ad utilitates fœlicibus astris properabimus. ¶ Astrolabium igitur instrumentū est figuræ circularis multiplicibus circulis & lineis descriptum utile ad astronomiæ & geometrie operationes multifarias. ¶ De quo Messahalla in exordio tractatus de astrolabio sic inquit. Scito quod astrolabium est nomen grecum cuius interpretatio est acceptio stellarum; eo quod accipiatur ex eo veritas earum rerum quarum scientia queritur ex locis stellarum hec ille. Sed hali heben rodan alia nobis astrolabiū inducit interpretationem. Scribens, n. in capitulū secundū tertij tractatus quadripartiti Ptolemei phe- lidiani ita dicit. Prima res in qua debemus considerare est gradus ascendentis hora exitus creature iam dicit & hic aperte quia principium ipsius veridicum est in homine & in eo in quo debemus confidere; & propterea dixit; & potest scire horam exitus creature repro certo qui aspicit per astrolabium; & hoc est instrumentum cognitum. Et dicitur quod primus eius inuentor fuerit Abraham; & dicitur quod fuerit inuentus tpe regis Salomonis filii David vel ante eum. Et dicitur quod quidam qui vocabatur Lab inuenit ipsum & auctor vel astro vult dicere lineas unde vocatum est Astrolabiū, id est lineas, Lab, haec ille & plura alia utilia. ¶ Alij interpretantur astrolabium ab austron græco quod est sydus & labi ansa vel manubrium quasi syderū ansa. Est enim instrumentum ansam habens per quam suspensum astrorum motus & plura notata dignissima colligimus. ¶ Hoc preterea instrumentū Hermannus contractus vocat walzagoram. Inquit enim libro secundo. Quicunq; astronomice peritiam disciplinæ & cœlestium spherarum, geometriciūq; mensurarū; altiorem q; scientiam diligent veritatis inquisitione altius rimari conatur; & certissimas horologiorum quorumlibet climatū rationes & que libet ad hæc pertinentia industrios discriminare nititur hanc walzagoram, id est planā spheram Ptolemei siue astrolapsū solerti indagatione perquirat & discat & perquisitam tenaci memorie firmiter commendet &c. walzagora igitur arabice sonat plana sphera vel planispherium aut astrolapsus latine. ¶ Ptolemeus appellat astrolabium planam spheram aut planispherium ex eo quod sit quasi sphaera extensa in plano. ¶ Astrolapsus quasi astrorū occasus vel lapsus per astrolabium em non solum ortum signorū & stellarum dinoscimus verum etiam occasum. Simile apud Ouidiū primo Fastorū.

Tempora cum causis latium digesta per annū!

Lapsaq; sub terras oraç; signa canam.

¶ Descripto astrolabio ut perfectius & absolutius eius habeatur operatio nomia partium eiusdem (sunt quidam plures) sūm ordinem describemus. ¶ Prima igitur pars dicatur Armilla suspensoria & est illud instrumentū per quod astrolabiū suspēditur ad capiendum altitudinem Solis de die vel stellarū de nocte; & dicitur arabice Alanthica vel Alphantia aut Abalhantica. Secunda pars vocatur Arabice Alhabos, id est ansa vel clavis qui coniungit Armillā cū astrolabio. Volunt quidā quod sit forame concavum in aliquibus astrolabijs in quo armilla mouetur; De his supra ppositiōe septima abunde diximus. ¶ Superficies plana in qua est mater a veterib; antica a nostris facies nominatur, Alia vero postica & dorsum. In extremitate faciei per circuitū est limbus, In aliquibus instrumentis eleuatus in aliquibus non Arabice Alnogiza dictus,

Astrolabiū  
definitur,

Astrolabium  
est inuentū,

walzagora

Armilla sus-  
pensoria,

Facies Antica  
Postica Dorsū  
Limbus,